




PL  
2610  
C46  
1754  
v.7











賴古堂尺牘新鈔三選結隣集卷之十三

周在梁園客

豫儀 周在浚雪客 鈔

周在延龍客

錢謙益 受之牧齋江南常熟人

與人

余觀唐末嘗錄有名儒者方干等十五人。賜孤魂及

第。每念瞿元初 純仁。邵茂齊 濂。顧雲鴻 朗仲。輒泫然

流涕。唐以詩取士。如干者。雖不第。其詩已盛傳于後。

近世之士  
白首波瀾

賴古堂



於時文者  
不知其幾  
矣可慨也  
夫

經義集

卷之十三

世而三君子之擅場者獨以時文耳。嗚呼。今之時文  
有不與肉骨同腐朽者乎。三君子之名其將與草亡  
木卒。漸盡而已乎。當今之世有援唐故事追錄名儒  
者乎。縱欲錄之其何所挾以附于千等之後也。悲夫。

與顧與治

時與治爲宋比玉乞墓表

京兆之阡北邙之塚高墳石闕巋然九京者多矣。松  
楸鬱然碑版相望樵人牧豎行歌過之而士大夫鮮  
有回車太息者。比玉一老書生歿無三尺之息一坏  
之土。沈埋于陳根墮樵之中。乃有如足下者訪其墓。



前哲風流  
於今未墜

屈坡公之  
筆爲小品  
文字妙絕  
一時

乞文以表之。董相之陵下馬之石猶存。白傳之墳漬  
酒之土嘗澤以今視昔。豈不然哉。百世而後。風人志  
士。義足下之爲。必有過比玉之墓。回翔而不忍去者。  
其益以此知比玉也已。

### 與胡白叔

曹能始見人詩卷。輒笑曰。開卷定是七言律詩。以今  
人習爲此體。熟爛可厭也。足下近作六言絕句。如雀  
噪鳩呼。時聞清蟬幽鳥之聲。使人耳根冷然。前後際  
斷。可爲一快。雖然。足下其善藏之。若令紛然屬和王。



右丞一月滿人間又將恨足下作俑矣。

與人

趙文敏家藏前後漢書爲宋槧本之冠。前有文敏公小像。太倉王司寇得之。京山李維柱字本石。本寧先生之弟也。嘗語余若得趙文敏家漢書。每日焚香禮拜死。則當以殉葬。後余以千金從徽人贖出。藏弄二十餘年。今年鬻之於四明謝象三。床頭黃金盡。生平第一殺風景事也。此書去我之日殊難爲懷。李後主去國聽教坊雜曲。揮淚對宮娥一段淒涼景色。約略

胸中深厚  
便容易寫  
得出



相似

與梅村先生書

謙益

白。荒村草具。樵蘇不爨。昔賢峴山夜宿。以乳羊

博市沽。比之吾輩。豈非華筵高會乎。別後捧持太集。  
坐臥吟嘯。如渡大海。久而得其津涉。清詞麗句。層見  
疊出。鴻章繡繡。富有日新。有事採剝者。或能望滌而  
嘆。若其攢簇化工。陶冶今古。陽施陰設。移步換形。或  
歌或哭。欲死欲生。或半夜而啼。或當餐而嘆。則非精  
求於韓杜二家。吸取其神髓而攸助之。以眉山劍南



斷斷乎不能窺其籬落識其阡陌也。諷誦久之不禁  
技癢遂放筆爲敘引。非謂樸學謏聞足以遂盡來美  
亦聊於唱嘆之餘少抒其領略使人知天人之際可  
學不可學之介出自心神本乎習氣真如內典所謂  
多生異熟不思議熏習者庶幾無幾俾其不能而鏃  
礪其可學爲斯人少分歲砭提醒眼目耳信心衝口  
便多與時人水火。豫章徐巨源規切不肖爲文晚年  
好罵此序一出恐世之詞人樹壇立堵者又將錯我  
於市矣。不敢自秘輒繕寫求政。唯篋而藏之不惟爲



石谷名聲  
常熟人

魏公藏拙亦可謂免我於死也

與周減齋

黃子久歿二百餘年。沈文一派近在婁江。石谷王子受學于元炤郡守。又從奉常烟客遊。盡發所藏宋元名蹟。匠意描寫。烟雲滿紙。非畫史分寸渲染者可幾及也。子久居烏目西小山下。坐湖橋看山飲酒。飲罷投其餅于橋下。舟子刺篙得之。至今呼黃大癡酒餅。晚年遊華山。憩車箱谷。吹仙人所遺鍊笛。白雲滃起足下。擁之而去。石谷安貧守素。胎性輕安。去凡俗腥

穢遠甚。已得子久少分。画品亦爾爾。昔人言子久画  
山頭。必似拂水。叔明画山頭。必似黃鶴。二公胸中有  
真山水。以腹笥爲粉本。故落筆輒似石谷。殆可與語  
此。然蔽里菰苑多人。画家則子久。隸篆則繆仲素。詞  
賦則桑民懌。徐昌國。今皆寥絕無繼。而子久永鉢。惟  
石谷得之。先生嗜書画。石谷因出其手作。就正于先  
生。而僕媿媿述石谷。確乎足以繼子久者。若此先生  
精賞鑒。必不以僕言爲無當也。

姚希孟

孟長現聞江南吳縣人  
文遠集



與李司空夢白

不肖

本一簡冊中老蠹魚。絕不預人間事。而於理亂得失之故。日翔詠其中。飽嘗而饜嚼之。第口不能言耳。偶遊於牙籤玉軸之間。亦未始離其畔。而有人見之者。不以爲書之蠹。且以爲物之蠹也。欲從而蹋殺之。此亦蠹魚之不善藏也。今

不肖

行爲善藏之蠹矣。

并墨兵之瀆。亦不欲哺糟啜醢。惟啖神仙字爲脉望。行且爲蟬蛻。毋爲蜉蝣。俟台翁在山公之地。蕩天下秋殺之氣。而爲春融。卽蜎翹庶類。飲和食德。毋累人。

作中散之書也。

與劉大叅達生

朔方去京師遼遠。前紀綱未還。而書郵載發。故於近事未免河漢。然來教所云。優曇時現者。已括盡長安棋局。如旋觀之倏而身繡。倏而南冠。又倏而爲西江老布衣。莫非優曇也。看徹此等事。則萬緣總是螻蛄。百年盡同蕉鹿。惟此盡臣弼士一腔報國之忠。庶幾常留天地間。與三靈相爲摩盪。而收歸妙明心中。亦是雁渡長空。聊爲點綴。固不能掃之使無。亦不能留。



聖聞先生  
得於禪乘  
於此可見  
正先牛所  
謂以用世  
爲出世者

之爲有大慧語云。予雖學佛者。而愛君憂國之心。與  
忠義士大夫等喜正惡邪之志。與生俱生。又云。假使  
鐵輪頂上。旋定慧圓。明終不失。以永嘉語爲證。猶覺  
其有英雄血性在也。凝觀履患難。頗有遺世之志。出  
福堂後。商及仁兄出處。便欲就道人素志。且以告新  
直指。欲放仁兄蚤歸。弟則不以爲然。蓋仁兄不出山  
則已。出則無論在邊在腹。處難處易。必須少露精采。  
如傀儡場中。業已扮出脚色。須高唱一回。狠做一摺。  
使坐客動容。旁觀喝采。庶不孤負一番粧束。若扮小

軍粧院子旋進旋退便念落塲詩亦無謂也

與宋獻如

邇來布衣衿帶之士上書奏記者不一而足大都以  
邸報之塵羹爲杞憂之石畫與各衙門套子何異覽  
不終篇頭岑岑欲睡又見天下大勢如一積虛之人  
風痰交侵漸有痿痺不仁之象法當用針灸次則金  
石而羣醫腐集藥案盈篇無非甘草陳皮之類甚者  
欲買參耆而掌記者誘以財匱欲延良醫而奔走者  
憚干涉遠草澤而陳單方者疑而弗用却而弗進至

先生牘每以醫藥爲譬而愈變愈奇知一事而天下之理無弗



若禱羣望。賽土神。理之所無。或事之所有。亦多袖手。觀望。左杖右梧。守主人之囊篋。而不敢動。動之恐觸其怒。而增其病。而不知主人之病固已膏盲矣。

吳偉業

駿公梅村江南太倉人

與吳志衍

過句曲。望五門紫房石室之奇。登鍾阜。瞻金支翠旗之氣。講舍倚雞籠山。俯瞰臺城。飛甍馳道之觀。迴瞻帳殿。馭娑駘蕩之盛。拜表出龍光門。列較以下。杖刀立直。望之如茶如墨如火。羽林攸飛之客。還過莫愁。

湖都人張木嬉采芙蓉薦魴鯉桂櫂蘭槳之樂信江  
左之鉅麗吾徒之勝事也志衍亦羨我有此游乎清  
涼寺無高座談經佐武湖無水犀耀甲先臣廟畫壁  
漫漶無陸探微顧野王添越公鄂公毛髮銅渾天儀  
欵識皆不知姓名人不得如徐鉉蕭子雲大小篆書  
太學經庫書簡脫落不及竟陵王子良抄集經史百  
家諸生販繒賣漿者兒不及雷次宗伏挺教授生徒  
數百列肆橋門多離壁間物無稽叔夜酒盃徐景山  
酒鎗秦淮歌舫有屠沽氣不得碧玉吹簫桃葉持檝



唱烏栖曲。謝靈運。劉孝標。輩作醉人志。衍聞之。又爽  
然自失矣。嗟乎。涼秋。獨夜。危峰。斷雲。梧桐。一聲猿鳥。  
競嘯。追念舊游。獨坐不樂。世已抵隋珠。而吾猶戀腐  
鼠。若弟者。獨何以爲心哉。丈夫終脫朝服。挂神虎門。  
不能作老博士署紙尾也。歸矣。志衍掃草堂待我耳。

與吳默寘

弟以此中多佳山水。受事之日。擬讀數百卷書。作幾  
十首詩。爲諸生立條教。使雞鳴講舍有雷。次宗伏曼  
容之風。顧一年懶廢。牽耗歲月。負此官矣。今以此仰

累我年翁。年翁經術深厚。才德十倍于弟。以此蒞事。

增榮益觀。弟亦藉手。以免于罪戾。年翁之賜也。雞鳴

山長松數十章。弟與盤桓一載。臨行。傲然無送迎之

色。亭前池荷。雖零落。猶作數花。居然新官舊官笑啼。

不敢而芙蓉。獨矜枝。閉葉以謝。吾逋客。讓年翁獨享。

不能見分。誠一恨事。然弟自有蓴鱸稻蟹斗酒黃柑。

不堪落寞。冥恨無繇持獻耳。

失名

與陳睂公徵君



兩獲南問。知道體違和旋。膺勿藥之喜。夫霄客冲霧。  
而子房稱病。西聖寂虛。而維摩問疾。固知事關形器。  
不係神明。參苓雖非上藥。恐亦高齡所宜聞。先生槩  
却湯散。專意養靜。是雖至道淵微。不妨稍資草木。以  
相引輔也。僕受質隘劣。文質無底。辱在先生裁量之  
內。獎嘆彌縫。十有二載。雖施甘礪土。難望滋榮。而託  
羽翰飛。分其迅疾。茲者幸採九品之評。將爲百石之  
吏。政宜策其駑下。以遂繇來。而私心惶惑。竊有所請。  
夫抱獨往之志者。在於守道弘命。世之規者。在於濟

讀世俗鄙  
無之篇安  
得不奉晉  
魏爲典型

續隱集

卷之十三

九

物二者小大必有攸分。故嚴正自持。每易亢折。宏通  
廣運。必藉委蛇。然亢折者一往而共量其心。委蛇者  
多方而始全其妙。故直躬而逢難。徒有令名。曲濟而  
無成。更貽世笑。繇是觀之。自非知幾達權之士。不敢  
解繩墨而擅神化也。僕奉教大賢。自持約束。而未嘗  
學問。神宇躁淺。旣挾嵇生疎誕之性。而又懷元禮是  
非之心。蹈世末流。必要多咎。意欲思周任之戒。守老  
氏之言。退棲衡門。永焉問稼。雖無當高趣。而實協鄙  
懷。先生迨庶之資。語默中道。審時量才。其必有以教



鄙人矣。

答戴石房

再承教言。仰見善誘之懷。雖幽滯如弟。能無慨慷有

披雲之思也。弟意至道在於天機精微在於神解。特

以聖人御有不能以微言軌物。要其醞釀。豈有間然。

以今之儒者。每於衣冠言動。高自位置。問其所爲。則

至鄙。跡其所學。則甚疎。一醉飽之失。便皆呵誚。而日

夜持籌讀老莊之書。卽爲非聖而門多商賈。此何說。

也。至於應期命世之士。必非遺內務外。此誠篤論。然

匡之學漢  
末而流於  
疎率者對  
此寧無自  
恥形穢

所謂內得者。浩浩焉。無欲之謂也。若夫外跡不可齊。蓋性情本異。時勢亦殊。或方軌而精粹。或弘通而卓犖。此孟子所謂歸潔其身。無欲之說也。姬公居東而恐懼。子房辭漢而逍遙。孔明鞠躬而爲蜀宗。臣安石雅量而稱晉賢相。就其外而觀之。豈一律哉。不急急於富貴。不役役於權勢。其心同也。史稱淮陰不知道博。陸不學無術者。惟此而已。足下所最推者。爲王文成。豈非以其有得於心學乎。然其少時本好奇負氣。工文章。豎節槩。縱橫於神仙劍器。沉寂於浮圖之說。



亦非襲章縫之容。守拘方之器者也。故弟見今之人，  
每厭嫉之，稍見跌宕，亦長卿慢世之意耳。然弟之疎，  
薄而不能進於大道者，亦於此可見。夫古之聖賢，方，  
將哀憫之，而祈與昭晰乎自然，柰何玩弄自喜耶？今，  
幸承大君子之教，而學與年俱進，庶乎束身折節，而，  
不陷於輕浮也。幸足下其終教之以妄，附于琴張，曾，  
皙之列，使得同登孔堂，成我大矣。

李

雯

舒章江南華亭人  
蓼齋全集

答竹關

七

賴古堂

結隣集

卷之十三

規正語能  
如此深細  
安得不傾  
人聽

望兄東下。更不可得相對秋風。坐嘆而已。現草使歸。  
得接手書。情長幅滿。覽之達旦。子美有云。紙長要是。  
三過讀。使我夜坐費燈燭。此言正似我輩。耶。見諸新  
製。蒼涼高直。已臻上境。但弟聞之作詩家云。老過則。  
樛高過。則率我兄之詩。既到峰極。固當急持。其後不。  
使轉墮一境。天下人知此者。少應是我輩勉之耳。

與金長留書

太僕歸里。得詢先生起居。及令子無恙。差以爲慰。家  
君既終遁窮荒。也復遭再別。深慚故人厚義。退而



古音高振  
正使時輩  
不能下一  
筆

自責未嘗不頓足而拊膺也。先生春秋漸高，亂息卑弱，今桑梓貴人在長安中，能衣被入者，皆無昔日之雅。杖馬箠，銜酒杯者，朝夕在何許？此愚父子所燕居而深念者也。先生髮短而心長，居于窮巷之中，不愧金石之義，其意氣豈特曹丘君卿而已哉？然二子皆交通貴人，周旋緩急，在于形要，故能使聲名發聞，傳之史冊。而先生之所急者，乃在遠戍窮交，布衣下士。特時勢有不便，要其志義奚啻古人？使後世更有一太史公、班孟堅、楊微闡、幽則遊俠之傳，其必有金先

生矣。先生望雲間之樹。

雯

也。望長安之門。皆不可得。

而見。所願順時自愛。更期三年。

雯

雖不才。猶當背城。

借一。或雯之北轅。卽爲先生之南轅。未知造物者謂。

何耳。

與王敬哉先生書

昔言別之初。自以爲一年之外。再歲之內。磨礪以須。

異得一當。猶足與足下連騎。西山覽京華之形勝。發。

激宕之壯心。出居庸歷上谷。馳騫近塞。作歌咏以揚。

邊聲。此亦文士之瑋瞻也。何圖糞土諸生。落度不偶。

氣體逼似  
陳思非餘  
子所及



魂。麗。中。又。  
復。佺。勝。

上之不能雪老父之奇冤。中之不能酬良朋之雅。下之不能發慷慨之悲歌。當此之時。視日月其何色。顧妻子其何顏哉。平生每持達人之懷。以爲此身爲主。名遇爲賓。竊笑當途之士。馳朱輪擁華蓋。顧盼左右。輒生光暎者。皆是挾客勢以驕人于主人。無與也。及久居卑賤。廢然自失。眉目無所施。歡笑無所展。乃是慕其所賓。而愁其所主。此莊生所謂知其不可而又不。能。不。爲。者。也。

與沈彥深書

關聞問者久矣。向者龍友自貴邑來。辱足下手書。某  
履詩筵。衷情懇懇。屬有移居之事。旋隨列南行。未及  
裁報。計足下之于雯。凡一造室。再寓書而差池相失。  
遂成間濶。中心鬱絕。復何可言。夫粵人之于秦也。舍  
舟零陵。旋車輾轅。不三月而已。秦矣。雲間去練水不  
百里而一朝別去。輒五六年。良以寒士失志。行止濡  
澀。舉步若畏影。出門如拔山負。知己之望者。復何顏  
當。眴眴哉。曩見雍瞻。知足下蕭條之况。近聞臥子。又  
言足下勝事能作。氣岸不衰。二君之言。皆爲實錄。乃



短筇促柱  
如聽水車  
鐵馬之聲

知丈夫堅壯之槩。足下真不愧馬文淵也。弟年少時  
每思及壯樂建功名。疎宕之性。必復中落。然後肆志  
藝文。角能作者。不意差跌至今。終成濩落。三十之年  
已付流水。陶隱居云。服食可期。而髮容難待。彼養生  
之家。猶尚如此。而况競羨耗其神。憂愁滑其慮者耶。  
是以每當春鳥弄音。秋蟲振羽。還視七尺之軀。乃復  
慚此微物。又何止仲華笑人。元長椎壁也。今足下之  
齒。既非盛壯。而髮也。年復一年。行當相及。不知酒杯  
卷帙。間能磨耗壯心否。不然。將學道。怡神求丹砂。問

金鼎哉。有以教我者。其勿吝也。

與顧偉南書

風雨春寒。桃李適盡。昨得朗齋少迴餘妍。我輩悲涼之意。畏此艷陽。及覩離披。更傷懷抱。兄獨蕭條曠野之中。其將何以散此耶。北音既至。二子並捷。喜知已之獲。伸彌復難於自況。身無井源之高潔。每望風塵飛動之物。若有凌雲之狀。及其自視。不啻若蛙黽。似此情味。終爲學道者所棄耳。

歲首與友人書

嘆老嗟甲  
之言獨能  
驚心動魄  
舒草何等  
筆也



誰能遣此

一生令人  
飄然

憶少時帶假面具。或以帕覆首。與兒童相鎮壓。此樂如曩日也。而今自視。已成老翁。但未抱孫耳。每見羣少年。絃服陌上。跨好馬。蹀躞弄影。輒飄然有欲從之。思而顧彼意色。殊不以此相許。又間歲冬春無事。喜作綺詞。燒燭夜半。不能自己。今年此意亦復都盡。但見春花始發。流鶯初動。一往思三十年事。歷歷可數。小園西墻脚下。有垂柳一株。自弱冠時見其栓植。今已婆娑其枝。掩映池上。桓宣武云。樹猶如此。人何以堪。此言正復可念耳。

汪

琬

茗文江南吳縣人  
鈍翁類稿

與周處士茂三書

容

僕

既見足下飲酒諧笑事事動人而獨未嘗告

僕

以

古學者之道何也

僕

於詞章之學本無深解三四年

以前氣盛志銳好取韓歐陽諸集而揣摩之日復一

日漸以成帙當其快意之際舒楮磨墨四顧無人亦

若浩然自得於胸中者及其既成而復視之則後先

舛互首尾斷續面且爲之忸怩而心目爲之愧悔者

竟日夕不止蓋其可以示人者少矣集中所存皆忸



惓惓悔之餘也。不自意爲足下所窺見。是宜何如。

切教誨之哉。今乃不然。反用浮詞相推譽。非僕所望。

於足下也。僕交遊衰少。然於吳門得計子甫輩。於京

師得梁御史。曰緝。今復得足下。不可謂之孤矣。前御

史獎勵。僕過當。僕且信且疑。退而復檢韓歐陽集。伏

讀而深思之。未嘗不嘆其才識之鍊達。意氣之奔放。

與夫議論之超卓雄偉。真有與詩書六藝相表裏者。

非後世能文章家所得望其肩項也。於是僕之惓惓

愧悔。乃不減於往時。益疑御史雖名爲知。僕而其實

正是自己  
占地步處  
正是學韓  
歐處

猶未盡也。豈知之而不以告耶？告之而不以誠耶？  
有所深愛於僕而掩覆其短耶？此未易爲足下言也。  
足下方以灝博之學，曠達之思，迴出輩流，又能周遊  
燕趙齊魯吳越之郊，所聞所見什百於僕。僕之待足  
下者，與梁御史計子甫草無異。幸示規切教誨之言，  
勿更用浮詞云云也。

答陳藹公書

僕

年弱冠時，稍知學爲詩歌古文辭，而器識陋劣，卒

無成就。一旦出仕，不習世務，數遭坎輒。於是年比四



昌黎論文  
必本之於  
道及其論  
致力于文

十而精氣衰耗頭白齒落。雖然思退不復敢以文學之事與士大夫度長絜大久矣。不意先生過採其虛譽。謬加推許。且又紆其詞曰。未讀僕之文。寃不敢深信。夫先生疑僕是也。猶幸僕與先生交疎而誼淺耳。萬一朝夕過從。得盡讀僕之文。觀其行事而聽其議論。則必且誚之爲迂。詆之爲誕。爲爲矣。夫豈獨疑焉而已乎。然竊惟高義不敢不報。嘗聞儒者之言曰。文者載道之器。又曰。未有不深於道而能文者。僕竊謂此言亦少夸矣。古之載道之文。自六經語孟而下。惟

處不過推尊司馬相如太史公劉向揚雄謂用功深者其收名也遠耳道未嘗不寓於文而執文以爲道其說亦有弊卽荀卿揚子俱不識性而昌黎以大醇許之已自逗漏不少

卷之此論

周子之通書張子之東西銘程朱二子之傳註庶幾近之雖法言中說猶不免後人之議况他文乎至於爲文之有寄託也此則出於立言者之意也非所謂道也如屈原作離騷則託諸美人香草登閨風至縣圃以寄其佯狂司馬遷作史記則託諸遊俠貨殖聶政荊卿輕生慕義之徒以寄其感激憤懣者皆是也今先生當浮靡之日獨侃侃持論以爲文非明道不可而顧以寄託云云者當之又謂維道爲有力則僕不能無疑僕嘗徧讀諸子百氏大家名流與夫神仙



白地  
人不  
敢說  
破者

浮屠之書矣。其文或簡鍊而精麗。或疏暢而明白。或  
汪洋縱恣。四出而不可禦。蓋莫不有才與氣者在焉。  
唯其才雄而氣厚。故其力之所注。能令讀之者動心。  
駭魄。改觀。易聽。憂爲之解。頤泣爲之破。涕行坐爲之  
忘。寢與食斯已奇矣。而及其求之以道。則小者多支  
離破碎。而不合大者。乃敢於披猖磔裂。盡決去聖人  
之畔岸。而剪拔其藩籬。雖小人無忌憚之言。亦常雜  
見於中。有能如周張諸書者。固僅僅矣。然後知讀者  
之驚駭。改易。類皆震於其才。懾於其氣。而然也。非爲

其於道有得也。吾不識先生愛其文。將遂信其道乎。  
抑以其不合於道。遂併排黜其文。而不之錄乎。夫文  
之所以有寄託者。意爲之也。其所以有力者。才與氣  
舉之也。於道果何與哉。先生孜孜肆志於詞章之學。  
倘又能因之以窺見大道之端倪。則雖以僕之陋劣  
衰耗。且將欣然執鞭之不暇。如曰吾所寄託皆道也。  
僕未讀先生之文。不知其視周張諸書。醇疵得失。相  
距幾何。而立說云云。則毋乃近於如前之所述儒者  
之夸詞乎哉。故終不能無疑。僕之疑先生亦猶先生



之疑僕也。尚祈賜之教誨。敢不惟命是聽。

與米紫來求書贈鶴記書

前數篇純似韓退之此篇則脫胎于歐永叔

於此等文猶存大家規模不肯作小小韻

聞古人之爲文也。未有無所託以傳者。三代之文。托諸鼎彝彝敦。卣之數而傳。始皇之罽之篆。會稽嶧山之頌。托諸豐碑。巨刻而傳。自是以後。諸凡托於金石者。不可勝數。中間零落磨滅。不爲人所稱述者。亦不可勝數。蓋使其點畫之不工。形模之不如。則購藏而玩賞之者。猶未有其人。故其傳亦不及於久且遠也。唐文之簡質。莫如元次山。宋文之巨麗。莫如歐陽永

叔及次山之爲中興頌也。有顏清臣爲之書。永叔之爲集古錄敘也。有蔡君謨爲之書。是皆所托以傳者也。夫是二文者。上之發明祖宗功德。次之收拾前世籀篆分隸。可以愛好之物。而又自効其簡質巨麗之詞。其能炫當時而垂後世無疑矣。是雖無善書者爲之書。固不害其必傳也。而次山永叔顧猶區區於此。以此知文章之家。尤不得不慎擇其所托焉。今琬學淺而才疎。議論不足以驚衆。氣力不足以動人。於是發之爲文。往往有蕭弱不振之憂。與埋沒無文之懼。



雖幸而得一善書者爲之書猶不能必其果傳傳之  
猶不能必其果久且遠萬一不幸而所托非其人則  
當世士大夫曾無有購藏之以供其玩賞者况望其  
不朽也哉去年在廣陵貽上贈琬以雙鶴琬旣命書  
工圖其事而自爲之記蔡嘗恨文詞薄劣未可以傳  
思欲托諸顏清臣蔡君謨之徒則吾兄其人也伏望  
鑒而許之幸甚

答王進士又旦書

琬啓。比辱枉顧。命作賢姊節烈傳。琬誠不敢固辭。然

所示事實。不免太簡。如尊大人官諱氏族俱不書。賢姊旣亡於井。何時購得其尸以殯。又不書。此皆其大者。得更賜教爲幸。琬嘗思古之所謂忠孝義烈者。其身雖亡。其容貌動止。雖不可得而見。而其氣則浩浩然。落落然。流被天壤。上自名公鉅卿。下自里巷之氓。以至婦人豎子。莫不樂頌其姓字。及其有可感者。則又相顧太息。不知涕泗之流落也。故雖愈久而愈不可磨滅。相距幾千百年。猶昭灼在人口耳。此豈繫乎文章之有無耶。然而有志之士。猶欲奮起而爲之紀。



載者何哉。非謂忠孝義烈之名。恃此而後。可以不朽也。直以文章不能無故而作。必借他人之事而發之。以稍見其胸中之奇。而取重於後世。或所遇非其人。所書非其事。則雖有上下馳騁瑰瑋詭異之詞。決不及傳。或遇得其人矣。而行事不加恢奇。則其詞雖傳。亦決不及於久遠。故尤慎擇其所得。而詳書之。昔李習之有盛名於唐。然獨自述其所敘高愍女。楊烈婦。爲不在班孟堅蔡伯喈下。近世歸震川先生亦號東南大儒。尤沾沾自喜者。惟在作張氏女子神異記。亦

可窺見前人之用心矣。而流俗不察。妄相推許。遽謂文章之權。可以褒寵死者。幾欲自比於夫子之春秋。不亦夸而難信矣乎。琬才學悉陋。使廁於李習之。歸震川之列。必當愧顏汗下。然其私淑諸人者。殆有年矣。方欲借足下所示。以自傳其文章。故先略道所見。伏冀省覽。不宣。

宋林澄

幼清江南華亭人  
九籥集

與賓之兄

鬪雞走馬。蹴鞠超距。縱酒好色。男子三十內。所以銷



人李本寧  
先生嘗稱  
之曰幼清  
有封侯之  
才而不遇  
時有神仙  
之骨而不  
遇師可謂  
知先生者  
矣

雄心也。而不才子。往往亂之。逃禪修煉三十外。所以  
銷雄心也。而無賴客。往往冒之。劍一人敵耳。書足以  
記名姓。英雄豈欺我哉。令雄心可銷。雖割我血肉。猶  
甘之也。可銷非雄也。

### 與姜大

聞昨遇呂翁。遭其雅謔。神超固是逸足。日入可行萬  
里。何況斜照。男兒貴自信。爲語老翁。無強料人未來  
事也。

### 戲黑二

狂態可掬

系陽集

檀象掩映翁仲。至泰山之下。不敢比于岫石。猶足下之不能同我也。

歸

莊

元公江南崑山人

與翁季霖

癸未

一味曠絕  
脫盡文人  
蹊徑此筆  
墨中散聖  
也

弟以五月出。留滯江北。至九月歸。崑山之人見者皆驚。蓋傳其死久矣。按五行志。凡訛言皆屬災異。如訛言黃龍見。訛言大水至。皆記之于史。今歲地震水溢。此災異之見于天地者也。江南民訛言歸生死。此災異之見于人事者也。不知今日史官亦當並書之否。



一笑弟嘗謂洞庭橙橘虞山楓葉海濱菊花皆屬盛  
觀而并在一時地非同路勢難兼得至秋冬之交當  
艤一小舟于河干任風吹之至東則東西則西連日  
西風緊將吹到東海之濱菊花叢中矣山中丹苞朱  
實知己爛然惜哉今歲無緣惟當夢遊耳

陳玉璣

廣明敬峰江南武進人

與曹義眉書

文必思可  
博然後不  
敢輕爲非  
深於文者

義眉足下僕昨至京師攜所爲文數十首謬爲諸大  
人先生所推許私竊自喜以爲昔楊子雲著太元世

不能為此  
官通篇氣  
骨全得力  
可昌黎

結隣集

卷之十三

三

無知者。子雲曰。後世復有揚子雲。當必好之。僕文雖

不敢擬於子雲。乃不待後世而已有知之者。此其所

以喜也。既又退而自疑。昔韓退之欲謁宰相。其初上

書曰。小子不敢自幸。其嘗所著文。輒采其可者若干

首。錄在異卷。與辱賜觀。使其時宰相一見而即知其

文。當不待其書之再而三矣。今世之爲文者。有敢比

於退之者乎。乃僕自到京師以來。諸大人先生之能

文者。一見僕文。即交相稱可。飲食贈遺之禮。且以備

至。僕之所遭。似過退之。不知其何以遽至于此也。中



推許之後  
深自刻責  
如此不獨  
文章追摹  
古人已也

夜自思怍怍於中。嘗躍然以起。爽然如有所失。究乃  
愀然不能已於憂也。僕觀天下之人多矣。其久而安  
爲泯泯無聞之人則已。旣已願爲文章。其文章旣已  
謬爲當世相推許。苟不殫精竭慮。與可傳於後世。譬  
如三春之華。暫榮旋萎。杳無足觀。則何益哉。則何益  
哉。杜少陵詩有云。文章千古事。得失寸心知。知爲千  
古事。則必不敢輕爲。至於寸心知而後求知於人也。  
始無所愧。僕求諸心。究何足恃耶。求諸心旣無足恃。  
乃謬爲諸大人先生所推許。無亦愛僕過甚望僕過

奢而舉未足爲定論耶。然僕深自幸者僕雖舉進士。

去授官之時。尚有六七載。自此以往。葺東郊之敝廬。

命奴子耕舍旁田數十畝。以自給。痛絕無益之人事。

耑肆力於文章。倘得一二可傳者。卽不質之當世大

人。先生而有以自信。然後僕之憂可已。僕之疑可釋。

徐以冀向之。所以自喜者。則庶乎其可也。雖然。豈易

言哉。足下好爲文章。平日又極稱道僕文。故奉此書。

以告僕意。伏惟幸察。不宣。

與減齋



椒峰古文  
詞俱學步  
八大家而  
翩翩翰札  
則又江左  
之英華文  
人固未可  
一體拘也

下里漫漫。無高山大麓之奇。無洞壑清泉之美。地靈  
既少。人物亦凡。荆川以後。罕有以古文辭名世者。琳  
生也晚。無才有願。不自度量。竊與二三同志。皇皇深  
程。妄思縱步學林。長驅文苑。鳩此邪許。蹤先賢之後  
塵。詎意南風不競。去歲冬初。既失董生。今茲秋孟。復  
喪鄒子。同魏文異物之痛。切昭明俱逝之悲。文友文  
酒自豪。沛國國山。風流盡墮。程邛恂恂。春風玉質。觀  
其握管。搗詞。駸駸未已。而金刀掩鐸。長河絕流。翩罷  
凌雲。鱗摧激浪。緒業可悼。非哭吾私。每過二生之家。

書。析。依。然。筆。塵。不。御。老。母。隕。絕。稚。子。斷。魂。仰。思。海。內。  
愛。才。莫。若。我。公。卽。昨。之。提。挈。二。生。何。殊。任。彥。升。之。二。  
到。于。襄。陽。之。一。韓。固。知。聞。訃。盡。心。有。異。他。友。同。里。誄。  
輓。何。足。以。爲。二。子。光。倘。蒙。大。作。手。賜。之。傳。世。之。文。死。  
而。有。知。誦。且。拜。于。泉。壤。矣。先。生。其。有。意。乎。

龔百藥

介眉瑯琊江南武進人

與某生論不好名書

近。遠。之。人。所。翕。然。稱。慕。之。不。脛。而。走。不。翼。而。飛。苟。期。  
得。乎。此。而。舉。他。物。不。足。以。易。其。好。者。非。名。也。耶。語。行。



不明已意  
大意隱隱  
在中文字  
之氣去秦  
漢不遠

疾沒世而名不稱。富貴貧賤去仁則惡。平成名名者  
君子之所甚急也。而子乃高譽。僕以爲不好名過矣。  
今夫嬰兒之相與戲也。以塵爲飯。以塗爲羹。以木爲  
戠。雖嬰兒羣而噪呼。謂之飯也。羹也。戠也。此可以戲。  
而不可以食也。昔者趙襄子學御于王子期。俄而與  
子期逐。三易馬。三後。襄子曰。子之教我御術未盡也。  
對曰。術已盡。用之則過耳。凡御之所貴。馬體安于車。  
人心調于馬。然後可以進速致遠。今君後則欲逮臣。  
先則恐逮于臣。夫誘道爭遠。非先則後也。而先後心。

皆。在。于。臣。尚。何。調。于。焉。哉。楚。人。呼。石。未。剖。者。爲。璞。鄭。人。呼。鼠。未。腊。者。爲。璞。楚。人。之。遇。鄭。賈。聞。其。聲。請。視。之。出。之。則。鼠。也。齊。之。女。有。設。爲。不。嫁。者。行。年。三。十。而。有。七。子。嫁。則。不。嫁。然。嫁。過。畢。矣。若。是。者。皆僕之。所。耻。是。以。不。敢。有。此。名。也。僕豈。不。好。名。者。哉。

楊大鯉

陶雲秋屏九搏江南武進人

與曹星客

對。此。君。覺。陰。寒。之。氣。不。可。耐。急。走。檐。下。晴。陽。藹。然。與。足。下。期。卽。使。坐。無。周。郎。當。與。顧。雍。割。席。



吾友盛此  
公言人夜

宜讀史與

他大家一

場模糊也

與陶雲意

同

河為浩嘆

# 與友

經學易史學難史學非難直不足信耳讀二十一史者當作琵琶記觀

又

閱近人詩文不欲識其姓氏直翻誦讀知人一案

釋通琳

玉林尉麟江南江陰人  
大覺禪師集

# 與學人

吾心眼頗平等然因指見箕尾甚喜觀水中荇藻亦喜縱目空碧亦喜獨對清狂不慧人刀刁魚魯殊不

耐。

又

今人皆知  
一說不知  
其又一說

古人。不期來日。余七年前過龍潭。癡立久之。妄作一  
念。須連筏臥遊。方盡此中深致。不圖茲來。果暢昔懷。  
孰謂來日果不可期哉。

與人

易出性情  
便見身分  
正所謂見  
其說法也

病。僧。易病。對客久。即病。稍觸暑。即病。然亦易愈。吸水  
即愈。飲雪羹。即愈。極病垂幃。不見一人。即愈。小病讀  
書。即愈。今日。胸次。幅幅。閣前。書此。紙未。竟海。雲空。水。



同一浩汗羣峰競爽涼徹衣被

顧樞

庸菴江南無錫人端文公孫梁汾君諱貞觀之尊人西疇日抄

示人

千里江陵一日還快矣然覆舟者飽帆也一蹴造青雲捷矣蹶蹄者駿足也盛滿之戒不特造物所忌氣運使然揆之事理更無以益之則惟有損耳

徐元珙

荆山江南武進人

募賻建陽令書

同疆而作王臣誰非僚友生死而敦風好乃見交情

俳偶之文  
能以意運

質秀不膚  
者亦爲僅  
有之作

結隣集

卷之十三

三

三千餘里之旅。櫬難歸。端有藉於麥舟之助。八十四  
齡之老親尚在。更當謀其菽水之資。僭佈短言。冀聞  
高誼。萊陽蓋公某者。筮仕建陽。挈家赴任。行臨閩界。  
暴病遊仙。策名雖歷五年。食祿未沾一日。修文應召。  
空題縣令之衙。來暮方歌。竟得銘旌之耗。斧資垂盡。  
充藥餌以難敷。含斂何來。鬻衣裘而不給。上有白頭  
之父。胡堪淚竭。西河下皆黃口之兒。安得魂招北海。  
總帳暫停杭郡。鵲血啼殘。靈輿孰返。登州孤丘。望斷  
路岐。涕泣淒然。三峽之猿華表。歸來杳矣。千年之鶴。



與古道古  
心出之便

驚宦海風雲不測。義起同官。歎人生湔露堪憐。責存  
我輩。旣屬登朝載贊。縱未識面而已知名。豈無齊諧  
聯簪。自當吊生而兼恤死。或駉駉可脫。彷彿古道於沐  
棺。或雞黍無寒。赴高情於執紼。各捐阿堵。用代生芻。  
弘朋友之情。以急朋友之難。愛屋自可。進推割朝廷  
之祿。以賄朝廷之官。傾囊非爲過舉。但得客路一靈  
遄返。庶俾夜臺雙目早瞑。倘襄事尚賸餘資。卽乃翁  
稍娛晚景。備棺無槨。不煩顏路之哭。顏淵問若有餘  
聊代曾參之養。曾哲豈獨仕籍友聲佳話。實爲仁人

成至文

結陽集

卷之十三

君子盛心。氣千丈以干青。誰不如我。血三年而化碧。  
豈忘報君。嗟乎。張範非遐。左羊可作。情深埋玉。能不  
悲。王子敬之。琴誼重斷。金豈遂乏。吳延陵之劍。無辭  
倡首。謹告同心。

賀撫辰

黃序江南丹陽人  
煙鬟閣集

弟病瘡與此

人之遺疾者。始於心。忘其身。而病生。繼則過患其身。  
而病不去。忘身者。方其康強時。不擇味。而飽。不擇風。  
而裸。不擇時。而色。不擇醒。而醉。不擇里。而趨。不擇性。

能於此等  
情事寫得  
淋漓生動  
更有何難  
寫之情事



竟如讀孫  
長兵法

而喜怒哀樂故病乘吾所弗備既至矣悔無及則當  
歛思攝形堅持吾力以勝之而瘡尤甚夫瘡之爲候  
也信患者信其信則其去也如釋縛如聞赦而來也  
如就繫如揖盜如尾生待水如粵人迎蠱身未寒早  
爲欠伸呵吁之狀以俟之熱未甚預有探湯厝火之  
想以緣之此其氣已先奪矣瘡安能愈吾爲子借箸  
設數策而攻焉一日守四肢百骸我之城郭壁壘也  
飲食衣服我之侍衛虎賁也剛果勇毅我之于榴甲  
冑也敵至毋將毋迎勿怖勿畏堅城壘增捍蔽奮勇

敢如是久之。彼雖有小入而毋大創。敵必退。一日制方其寒時。思吾身如在咸陽。望三月火如避大熱。於鑊湯中。暨熱時。如吾在錢塘。射八月潮如襄子決水。灌智伯。如梁鴻滅竈。卽其境而反持之。敵必散。一日忘吾擁書萬卷。隨心所適。若愈風檄。若手提髑髏詩。若無鬼論。引滿靜讀。如登樓待敵。偃旂息鼓。敵自疑畏不敢入。一日觀至之日。虔誦般若經一卷。經云。過去未來現在心。卽吾所云俟之緣之之心也。心不可得。何有於身。身不可得。何有於病。次念天人脩羅皆



龍聖賢忠  
恕之旨以  
交天下之  
人此天士  
學問閱歷  
俱到之文

悉供養。我仗經力。瘧鬼避舍。一日療。患此者方藥千  
百計。倘攻補雜投。體削滋甚。今惟守一方。以養脾滋  
腎爲主。弗期速効。要在戒容止。息游思。節勞倦。清明  
在躬。志氣如神。弟行之。朞月而不霍然者。我以頭賭。  
賀宿

天士江南丹陽人

### 答陳椒峰書

伏讀來翰。知足下見友人之負。僕謂不終峻拒。疑待  
之過厚。以僕之不能絕交爲累。此足下憤激之辭。亦  
如公叔之昌言。以論交道則未爲盡善也。僕性好友

朋數十年間。交于四方。未可一一數也。當年少時。席祖父之餘貲。慕古人之行事。或拯人之困。贍人之貧。固嘗有之。乃至今日。此友之于僕。亦世風類然。何獨于此友而深責之。若責友過深。則始而同室。必至操戈。始而握手。必至下石。天下曾無一人可交。又何從盡得賢者而結契之也。且人之相怨。未有不于其相遠。人之相嫌。未有不于其相拒。向僕之受累。正以賢不肖之區別太明。乃知孟博疾惡之嚴。其于保身之道。未得也。夫我之于友。不可相負。若友則安必其不。



和平之言  
勝于毒罵  
廣論從此  
可廢矣

負我哉。友既負我而遽遠之。拒之則其人必生愧。愧則生恨。將有隙末而凶終者矣。惟深體聖賢忠恕之旨。得善處之方。不必杜門。不必謝客。于人何所不容。又奚責于此。一友者而深絕之乎。且當世賢者少而不肖者多。近見足下好爲臧否。有類于僕曩日之爲。故敢以自厚薄責之說進。惟足下垂納焉。

鄧漢儀

孝威舊山江南泰州籍吳縣人


答計甫草

承翰示。漫以古文相推。且以精深謹嚴獎

僕僕

何敢

當僕于古文實未嘗肆力。中年竊有浮名。近入詩文。不自量。災木者甚夥。時時強以作序。然脫藁卽棄去。無有存者。如其剽龍門之餘唾。襲大家之皮毛。詞有非今非古之間氣。在半生半死之際。甚者安板特貴。謬託知音。稿不十數葉。輒板以示人。曰吾能爲古文。天下之能古文者不吾若。僕不敢也。且實耻之。如我甫草實爲間出也。惟矜其愚而賜之教焉。





賴古堂尺牘新鈔三選結隣集卷之十四

周在梁園客

豫儀 周在浚雪客 鈔

周在延龍客

彭士望

再見舊字達生

與魏凝叔

昨偶憶藏弄集載侯朝宗論詩文書三首反覆玩繹其言之至者殆無以易其與任王谷書中有云行文之旨全在裁制無論鉅細皆可驅遣當其閒漫纖碎

文章不如  
此不名大  
家

處反宜動色而陳鑿鑿娓娓使讀者見其關係尋繹  
不倦至大議論人人能解者不過數語發揮便須控  
馭歸于含蓄若當快意時聽其縱橫必一瀉無復餘  
地此最高之論朝宗學史記寫生得神髓處全在於  
此壯悔集有二吳徐張傳出沒超脫咸用此法而愚  
意則又以爲未盡然吾輩今日立言明悉理事指陳  
利弊將救世覺民之爲急故於古今成敗得失邪正  
是非之際往復留連疾呼痛詈猶恐疲癯聾瞶之夫  
藐然而不一聽苟僅數語發揮便歸含蓄祇可以動



今人寫生  
之文只取  
生動故不  
免失之佻  
巧大家亦  
不免此弊

明哲而不可概天下之中才孟子七篇已不同於二  
論三百篇風雅之變必不同於關雎采芣世則石然  
文從而變而作文者之用心彌苦彌曲彌曲彌屈如  
天地之噫氣鬱不獲舒激爲震霆凝爲怪電動盪摧  
陷爲水溢山崩夫豈不欲爲卿雲旦日甘雨融風勢  
有所窮不得已也而文字寫生處亦須出之正大自  
然最忌纖佻甚或詭誣流爲稗官諧史敝鄉徐巨源  
之江變紀略王于一之湯琵琶李一足傳取炫世目  
不慮傷品其文縱工未免攜琬琰易羊皮終必爲明

巨源之死  
最慘誠足  
哀息

想見一時  
數君子相  
與切摩爲  
清用之學

新集

卷之十四

三

眼人所厭棄而巨源更顛倒是非羅織口語快其私  
怨虞山翁曾痛言之屬其毀去巨源不聽未幾橫折  
椎朝宗閒漫纖碎動色而陳之言不善用之其流必  
至爲徐王之失而今已不免見其疵類蓋文人之文  
與志士之文本末殊異文人志在希世取名卽深自  
矜負正其巧于容悅間或談世務植名教文焉已耳  
以文非此固不傳也俳優登場摹擬古人俯俛畢肖  
觀者撫手悲愉涕出及其既過彼我判殊了不相及  
志士之文如樂出虛如蒸成菌有大氣以鼓之一聽



其天倪之自動其心與力之所至而言至焉其心  
力之所不至而言亦至焉其嬉笑怒罵以至痛哭  
涕無不有精衛填海愚叟移山之誠以貫徹于中際  
其行止出沒無纂組雕削之勞不知世目非笑之爲  
非笑此卽立韓歐班史于其前肖之則賞不肖則隨  
手刑要亦不能強其所不同以求必肖况下此區區  
者乎故言必發於其心而文亦必以其實重心與實  
之所出斯歷千百世而不磨而天下人得之爲有用  
此<sup>望</sup>與叔子曰孳孳焉求之而未或至焉者也困朝

宗一妄言之

與魏凝叔

庚子

蘇子謂可寓意於物而不留意於物。此不爲物役。極善居心語也。近見友人立精舍於大道之旁。頗謂非此際所宜。令觀者妄生覬覦。其事旣成。心欲言之而口不能盡。後悔之。凡三致意。友人不爲止。遂有家禍。匪爲人事。天道固不欲君子今日泰適耳。勺庭藝植。雅飭池園。此小事。非有大過。特窺意中沾沾矜重。漸欲成癖。辭止宜。士詞客吾輩有此。則器識不達不



大古人德業勲名每因愛染耽着生出大弊大害。不必叔子損其跡亦自損其心而已。否則吾輩洞觀古今卓犖獨立而其志乃反出申屠蟠呂巖之下。奚可哉。望比一室九口寢食坐立殆非人狀。恒竊念陽羨書生求寄鵝籠中。宛然與雙鵝並坐。籠不覺小。負之都不覺重。鵝亦不驚。故腹中容得許多人物。擺佈得出。收拾得下。輒復憬然自失。此雖稗言可以喻大達之。則顏氏瞿瞿陋巷中也。叔子宜同念之。

魏兆鳳

聖期天民江西寧都人子際瑞胤禧胤禮

與人

爲惡輒敗是天地待我厚處

又

以技貴士以技賤

又

嘗愛古人近河不肯枉使水語非吝此水其一段不忍暴殄之心直與天地生機相接

又

一句兩句  
簡令人十  
日味之不  
盡又不爲  
楊焦之故  
爲艱深

人千累頂之下不可不字瓜孽之心



中病候吃  
已多少

又

爾輩少年舉事。每不量力。事敗纔思彌縫。彌過去。滋  
覺智量人不可及。正如故入棘叢。滿身被刺。求救方  
脫。然何如不入荆棘爲高乎。

魏際瑞

善伯江西寧都人  
易堂集

答蔡白采書

嚮者伏承虛懷。欲悉文章之道。自愧心浮學淺。無以  
知之。然又不可不答。竊彷彿其大概。謂文章必有所  
以爲文者。夫所以爲文者匪他。則情是也。文乃極天

得人家爲  
受之旨

紉陽集

卷之十一

下之虛變化神妙不可方物而所以本而發之發而  
達之而盈于天地之間者則非有至實之物無以相  
致故夫人之涕唾便溺也必有氣焉以克之而後出  
草木之華鳥獸之羽毛也必有脉焉以貫之而後榮  
故曰無情者不得盡其辭蓋曰情者辭之本也本不  
立而末具焉天下無斯物也書曰辭尚體要易曰聖  
人之情見乎辭夫既有體有要而見之乎情矣故凡  
託爲浮華彫飾而矜誕敷衍以成其章者是皆情之  
不足者也愚嘗爲之言曰不患文章之不工唯患性



情之不至。蓋嘗觀于愚夫愚婦號泣歌舞之誠。其言  
初。不。足。以。爲。文。而。其。出。之。口。者。雖。聖。于。文。章。之。士。往  
往。極。其。工。致。而。無。以。過。蓋。其。情。極。意。誠。精。神。皆。赴。必  
將。洋。洋。克。滿。心。手。相。得。以。成。其。章。操。觚。擗。管。之。士。逆  
而。溯。焉。不。可。得。而。幾。也。近。見。某。某。各。爲。古。文。一。者。家  
數。大。備。形。貌。儼。然。而。中。無。所。有。不。堪。畢。讀。一。則。勤。勤  
懇。懇。未。嘗。爲。文。而。英。華。體。段。亦。自。不。媿。古。人。夫。而。後  
知。文。之。必。生。于。情。也。又。何。章。句。之。足。云。

與子弟論文

真奇文字  
不必盡  
十二峰記  
矣

王文恪公七十二峰記凡六百一十二字均分至少  
每峰亦應得八字有零乃提要語占去若干敘次語  
占去若干他地名占去若干地名重出占去若干方  
隅向背占去若干形勢脈絡占去若干古事形容語  
起結語占去若干幾于七十二峰本位無有一字乃  
其敘次本位寬然有餘懸崖撒手尺水揚波是何法  
何力哉作文不知法遇如此題任是萬斛長才相應  
一籌莫展矣

古人爲文雖有偉詞俊語亦刪而舍之者正恐累氣



可爲今人  
傳誌之矩  
鑒然世終  
難以語此

而節其不勝也。人于藜藿既飽之餘，強以珍饈，亦必  
膨亨而不適于體。收結恒須緊束，或故爲散弛，解緩  
者，亦如勞役之際，閉目偃倚，乃不至于困竭也。  
人之爲人，有一端獨至者，卽生平得力所在。雖曰一  
端，而其人全體著矣。小疵小癖，反見大意。所謂頗  
上三毛眉間一點是也。今必合衆美以譽人，而獨至  
反爲浮美所掩。人之精神聚于一端，乃能獨至。吾之  
精神亦必聚於此人之一端，乃能寫其獨至。太史公  
善識此意，故文極古今之妙。

能寫難寫  
之狀彥和  
論文所未  
及

司馬遷史  
記魏武帝  
詩皆不忌  
直寫者

文章大意大勢正如霧中之山雖未分明而偏全正  
側胚胎已具作者保此意勢經營出之便與初情相  
肖若另結構未免剗員方竹也

古人詩文我有力量不忌數行直寫若規倣其辭格  
苟非市井即小兒耳規倣俗所謂套如李于鱗輩之  
作樂府及唐古風之類是也

古人作字于楷細秀婉中忽作一重大奇險者蓋其  
神情機勢所發無能自遏不覺縱筆覽者亦遂怵然  
收觀後人見此學為怪異而所書不足動人本無情  
興徒欲作怪故也人之呵欠噴嚏必舒肆震動而洩

自已文字  
好故論文  
能口七子



之苟無是而學爲張口伸腰豈得快哉文之段格章句長短亦復如是

魏

禧

水叔叔子江西寧都人  
易堂集

### 答南豐李作謀書

僕

生十一二歲卽思求友得交志行純篤者若而人年二十一則慨然願交奇偉非常之士嗣是友道日廣有若易堂之經術文章程山之理學髻峰天峰之節義以至四方文人奇士僕皆得與游以自陶淑所不及則又皆窺其藩籬未登其堂奧是以碌碌無所

所志所言  
大約似陳  
同甫而尤  
斯於誠朴

成立不敢望諸君子項背。然所以恢弘其志氣砥礪  
其實用者。雖不能盡變其氣質之鄙陋。而身受諸君  
子之教。則既已多矣。足下少年英篤。有古今之志。既  
得程山諸先生爲師友。僕所能知能言者。足下諒無  
不聞而足下謙誠懇款。致書七八百言。自道其嚮往  
之意。此誠於僕無當。僕亦何能更益足下。獨僕生平  
以朋友爲性命。饑渴而十餘年間。則尤篤意於少年  
卓犖之人。蓋任天下之難事。當天下之變。非少年血  
氣雄剛。不足勝任。而爲塗日長。其才與學皆可以深



作謀以已  
西冬沒矣  
年僅二十  
一易堂後  
勁遂少此  
後人

造而不足量其所至又僕交程山易堂二峰之人甘  
長者年踰六十少年亦且四十皆漸就老死終恐不  
獲得志於天下以自驗其學古人有言曰火盡而薪  
傳故欲火之不息在於積薪欲志之不滅在於得人  
頃者髻峰宋未有先生中風暴卒易堂李咸齋先生  
病九日而死僕益用危痛而不意少年卓犖之人遂  
得之足下僕年四十有五而無子絕續之間自有天  
命然居常不憂身之無後而憂後起者之無人是以  
一見足下所論著不勝其拳拳也不得已而欲有以

益足下則亦曰恢弘其志氣砥礪其實用而已所謂  
恢弘其志氣者人之患莫大於自私自吝安於卑俗  
而不以古人自期故其下者志在一身一家苟安于  
溫飽而上不過謹言慎行取鄉里善人之譽夫志極  
其大則安天下而有餘極其小則事父母而不足何  
者志氣私吝雖父母兄弟皆視爲吾身以外之人而  
不與共其休戚也然使不能砥礪其實用則志高而  
無當言大而夸井曰乾餱之任有不得其使者故必  
自度吾才之所可成而孜孜然博覽古今之故親明



令人自嘆  
自悲何不  
早爲之計

師良友以講求之。歷其身於事會盤錯以自試其能。而怵平日抱處士虛聲之懼。然後使之任一職則必稱爲一事則必成。雖身爲守令下逮丞尉委吏而其利國家濟生民之心則與宰相六卿等僕有志未逮言之而不能行。故欲與足下共相勉而足下年富力強他日如僕年歲必當十百於僕是故後起者老死之所待而瞋目者也。今天下不乏卓犖之人方其少年焰焰然若火之始盛。旣而志衰于嗜慾氣奪于禍患。心亂于饑寒行移于風俗學術壞于師友及至強

立之年則委靡沉溺而向時之志氣燼乎若死灰之  
不復然僕願足下毋以小挫而回毋以小得而自足  
以必求爲古今有用之人是則僕之所以報足下者  
他固不足論也

與彭中叔 名任寧都人

史鑑雖古人陳跡然百法具備識時務者但須揀擇  
用之絕不消自己添出一毫物事謂是補古人所無  
先儒云讀史易使人心粗如云過獨木橋易跌是要  
人細心讀史之意非謂橋不須過後人誤認此語有



如此讀史  
鑑何必非  
理學之書

志道學者。只看性理語錄。史書置之高閣。或涉  
幾等稗官小說而已。其川每讀史到一半。便揜卷。其  
成敗。然後再看。有不合處。又更思之。其間有幸而  
成。不幸而敗者。不得徇其已然之跡。與衆人之論。此  
正是怕心粗處。愚嘗謂道學先生讀史。蓋如此。恐今  
日。自負才氣。通史學者。未必如是也。又嘗觀龜山  
議燕雲河朔。爭經濟如許。故知道學原貴經濟。陸子  
靜。所謂宇宙內事。乃已分內事。晦翁不能攝服同甫。  
若遇王文成。當無告密結壇。以銀爲鐵。種種辨論矣。

偶有所觸。質之中叔。意謂何如。并致而康教我。

與友人

足下明敏剛方。又復加意經世之務。區區卮言。獻之  
不暇。而敢靳耶。夫處變定難。非明智不足。妙其用。非  
深沈不足。厚其發。非果斷不足。應其機。雖至忠至孝。  
不能以無術而濟術者。君子所以成其仁。而小人所  
以成其惡。故明智近于變詐。深沉近于奸。驚果斷近  
于殘忍。辟之刀劍。賊殺人者。此刀兵殺賊者。亦此刀  
能善用之。則操賊之刀。可以衛民。不善用之。則操兵



之刀卽以作賊。近于敝門中。擇二三天資忠信者。與之講論。蓋忠信之人。患其無刀。不憂其作賊也。此書最得力者。不過三十篇。今先以五篇奉教。望細爲推求。指其謬妄。幸甚。

與人論地獄書

君謂佛未至中國。三代以上。曾無一人入地獄者。後世死而更生。言地獄事。非誕則扭。於習聞妄生神識耳。僕謂漢唐以前。狐突見其世子荀偃訟厲公。亦旣徵其事矣。且卽以爲自古無之。三代以下。可造而有。

言而確

予嘗語康  
生人口頭  
有地獄則  
心中有地  
獄心中有  
則真有矣

何以明之。天下之事。莫不自無而之有。天地何始。未始以前。無天地。萬物何生。未生以前。無萬物。人浴而振衣。豈有蚤虱哉。久則蚤虱生。又久之。而蚤虱牝牡。長子孫。今人自無蚤虱。以有蚤虱。而卒不怪者。習於常也。末世賞罰失措。人心憤結。則必有鬼神焉。以洩其不平。久之。而人之耳之所聞。有是焉。心之所思。有是焉。感恩讎讎。祝而詛者。有是焉。於是而地獄成矣。蟣、蝦、之轉丸也。丸成而精思之。有蟣而白者。存丸中。治金丹者。晝夜精思。而神丹生於虛器。故曰。心能生。



再法惟心  
地獄亦起  
于心耳

兄善伯曰  
從無証有  
確確可據  
思理最精  
最微而言  
之顯淺人  
人可悟讀  
此乃知徒  
謂管地獄  
以警人者  
猶庸人之  
見也

氣。氣。能。致。精。精。能。成。形。而。或。曰。鬼。無。形。也。猶。可。執。而。扑。乎。易。曰。精。氣。爲。物。游。魂。爲。變。是。故。知。鬼。神。之。情。狀。夫。有。狀。則。有。形。有。情。則。有。識。有。形。則。可。拘。而。制。有。則。可。疾。而。苦。子。不。見。夫。夢。乎。夢。無。形。也。夢。人。鞭。之。則。夢。中。之。身。痛。焉。夢。食。珍。美。異。味。則。夢。中。之。口。甘。焉。夫。以。形。制。形。故。人。治。人。以。無。形。制。無。形。故。鬼。治。鬼。是。故。鬼。可。執。而。扑。矣。或。曰。佛。說。地。獄。惡。人。不。息。說。之。無。益。明。矣。曰。夫。子。作。春。秋。而。後。世。亂。臣。賊。子。不。止。則。亦。將。曰。春。秋。可。無。作。耶。是。故。地。獄。之。說。戒。殺。生。之。說。吾。謂。

可補前古聖人所未及。

魏

禮

和公江西寧都人  
易堂集

答楊御李書

古人言詩須有謂而作。有謂者我之真意。所謂發乎情者是也。流連山水。點綴花月。亦必有我一時之情之意。則此乃爲我作之詩。古人已作。我可更作。我作之。他人又可更作。千萬作而境不窮者。有謂故也。古。人。他。人。情。與。我。合。而。我。竟。不。作。者。有。謂。故。也。故。大。浸。稽。天。而。不。溺。大。旱。金。石。流。上。山。焦。而。不。熱。死。生。驚。懼。



榮辱之端不入其胸中。乃能有所詣而不奪吾志。草木之微有春不能榮。冬不能殺者。天地失其體也。區區之心。竊所跂望于我友。

魏世傑 興士 江西寧都人

答臨川王元升書

彭躬菴曰  
吾讀近少  
年往復書  
頭森森欲  
嘔且卧以  
其中無所  
存徒攀緣  
古人自飾

頓首復書元升王君足下方今帖括沈人心知于當世務不知馬之幾足塞耳泥首老死牖下間有言行誼言經世者則羣指而笑之以爲是怪物異類也交友道喪亦是之由况誰復能自得師者嘗觀奇士

浮夸耳似  
此高爽平  
實尺幅內  
有無限真  
意自益益  
人最耐咀  
嚼

結隣集

卷之十四

四

偉人不生于時平有道之日而天地寥濶萬物悶塞  
則非常之士隨在而有然士無過人之力則不能屈  
于人志識不高則不能事人故家大人論留侯曰圯  
上之納履與博浪沙之擊一也夫士必有識而後足  
成其志有其力而後可以見其識平居讀書論議可  
以廣識而所謂力者非有毅然之氣身試于艱難險  
阻危疑利害之間則無由以自出足下生三十餘年  
未賞一執贄有所師事及得遭其人而又惟恐以文  
字之徒進必欲得所以事師之意積誠于三年之久



復之紛紛  
著讀此廢  
泰返矣

而決于一日則足下之識與其力固已恢恢乎得  
其志矣傑既不能自立光益叔父鹿鹿年時正恐爲  
勾庭諸子羞今讀手書及聞家叔父所稱說足下足  
下所自言得失之故休惕于其心日益不能已也已

呂

坤

叔簡新吾河南寧陵人  
去僞齋集

示人

常言而今講學不爲明道只爲角勝字面詞語間拏  
住一點半點錯便要連篇累牘辯個是這是甚麼心  
腸講甚學問

秦

鎬

京河南汝陽人

頭責叁 如何不飲叁集

與某司理

王廣文移鐸而西。妻孥蕭索。共踏火雲。殊爲可念。諸子衿欲勉留數日。煩齒芬一達當事。以冷官而待秋風。分固宜也。

張民表

武仲林宗 河南中牟人 塞菴遺稿

答周減齋

偶閱伍容菴彭玉立兩君漫錄評正。于有駁錄矣。伍有駁駁錄。于復有駁駁駁錄。大爲可笑。記前修有言。



只管囔作甚麼二十年後各各有一土饅頭在此語  
不識兩公曾聞之否。

周文煒

亦之坦然先生河南祥符籍江西金谿人  
四留堂集

與賈徙南

每讀史及諸傳不三四行卽定其人善終與否至傳  
末失者僅十之一二然不于其身又見于其子孫矣  
我輩立身行已當于前三四行謹慎爲之毋令後之  
讀史者甫開卷有以定我之生平也

與人

高康立曰  
讀之凜然

古人驗心于夢。朱子曰。人于日用之間。不思當於夢寐之間。思之。潘上元曰。災異所以警侯王。惡夢所以警君子。陳幾亭曰。晝觀之。妻子夜驗諸夢。寐予有四。十吉祥相。其一則爲凡夢。俱可告人。夫至凡夢。皆可告人。其去道不遠矣。

示長兒

少說一句話。吉祥善事。少見一個人。清淨道場。

周

圻

百安河南祥符籍江西金谿人  
嘗實堂集

王望如曰  
二語當懸  
之中堂

復長江馬生次京圻



黎愧曾曰  
平常敘述  
中亦自渾  
渾浩浩正  
後所謂得  
歐曾之所  
言來者

某少時略識之無讀書纔能上口便妄意學爲詩古文辭至今三十年未能窺古人萬分一長而遊覽四方以積生結習好與交游商略一時同人遂有以此事謬相質詢者久之雖未通編紵奉音塵亦莫不千里寓書以詩古文遠相印証某果足以厠壇坫之末哉亦不過一二高才寡和之彥見所操有近已者喜引爲同調耳足下忽復遠辱魚書過相引重至謬比之陶杜歐曾在足下雜採虛聲無暇考其蘊實而某亦何敢自外聲氣不盡言以相正蓋今日之詩不

高羅栖曰  
從藍本數  
變而後不  
止失其意  
矣

患不陶杜而患不知陶杜之所自止今日之古文不  
患不歐曾而患不求歐曾之所自來其弊必至於天  
下之詩文皆陶杜歐曾而實爲有識者之所掩口總  
緣不求其所自來不究其所自止始焉以陶杜之詩  
襲爲陶杜繼焉以襲陶杜之詩爲陶杜始焉以歐曾  
之文擬爲歐曾繼焉以擬歐曾之文爲歐曾轉相倣  
效驅染成風有病入膏盲而猶自以爲全人者豈不  
可爲之大哀哉惟足下之詩知其所以爲陶杜者何  
在而發爲高響殊非齊梁中晚所可企及因而撰定



下之文。必知其所以爲歐曾者何在。而吐其奇氣。定  
非六朝晚宋之所可妄測。某目前爲吏牘所糾纏。不  
能殫心文事。何時脫落麋鹿自遂。將以採一代之聲  
詩。勒成一編。藏之名山。以待來者。藉光足下。此編當  
必不少也。

復上杭劉生麗兼

金開

當今風雅凌彝。文章道喪。得足下弘明斯事。旣探理  
奧。復深經術。乃以餘力作爲詩歌古文。則異日起衰  
振弊。繼昌黎永叔而興者。舍足下其誰歸。不佞每見

黎魏曾曰  
一瀉而下  
足見河流  
千里

後來之彥領袖英絕者則不靳嘆賞咨嗟不啻口出  
惟恐不見知於當今不永傳於來世固無今昔無少  
長一也而目前以沉淪世網處不成處出不成出反  
使夙志忽忽從風塵吏牘中因循疾逝自恨蹉跎恨  
悔莫及而來教殷勤過相推許若於不佞有嗜痂之  
癖者豈非苔岑雅合固有不爽如是者乎然不佞之  
所期於足下者尤願以用世爲砥礪如古昌黎永叔  
以及文忠文正諸公皆以斯世斯民爲已責使其道  
日見之施行而後舉而筆之於書所謂天下文章莫



大乎是仁義之言。藹如也。足下負英異之姿。篤沈湛之學。揣摩世務。研究天人。惟皇皇焉。閉戶以窮年。一出而應王者之求。固將有黼黻皇猷。潤色鴻業。文炳文蔚之偉觀。豈徒雕蟲篆刻。子雲呵爲壯夫不爲者乎。若乃窮愁著書。好爲嗟卑嘆老之言。以庶幾賞音之一契。如來論所云。伯敬之於白雲者。又豈不倂之所望於足下者耶。至於高文大篇。不妨傾囊相示。不倂。雖復憤然聾瞽。極力表揚。固不必以跋涉山川。浪費時日。效世俗所爲。徒於大業相妨也。足下幸自愛。

星子曰妙

答長汀李生化舒

日長

僕以昔人論文貴卓然成一家言非以過高之論繩天下也蓋積字成句積句成篇而人之性情聲氣於是乎協焉故文章必至成一家言而後文成其爲文章成其爲章猶人有一身而成其爲一身也以此推之天壤間有雲有石有火有金有草木有禽魚其間剛柔異質浮沉殊體各有不同亦各自成其不同未有不並重於兩間爲造物所不可少者如使以冉冉之氣而附以難轉之堅則不可以升英太空矣使以



愧曾曰惟  
化舒足以  
此

百鍊之質而雜以炎上之威則不可以爭貴與彝矣  
予見太史公世家列傳中雜取周秦故實不能不資  
之尚書左傳國策諸書然每增易古人一二字句豈  
誤書哉又豈自作聰明視古人猶有不足於此哉亦  
以我之氣體業已如是則古人之不如是者常足以  
間之如鳬鶴之不相易涇渭之必不可淆故稍爲損  
益之以就吾之節度則雖尚書左傳國策之書皆我  
一人自筆之書矣讀足下古文詞蓋真化舒之文而  
非今人襲爲秦襲爲漢襲爲唐宋大家之文也敢於

足下一暢言之。

復江寧劉生黎先

然

良書見及。若不屑沾沾向帖括家。僅工塗澤。以階梯功名者。與之質。而虛懷下問。及於迂疎不合時宜。如僕者。若謬引僕爲聲氣。必欲與之同調。僕何人斯敢。

當盛意。及讀足下鴻文一集。乃始愕然驚喜。知足下留心於古文有日。其所爲古文。已章章如是。是其服習於八家之學。固能窺其蘊奧。而澤其精華。其於古人之道。已砒砒然言之。有物而持之。有故矣。方今大



翠婉曾曰  
此等用筆  
求之近賢  
惟艾東鄉  
為能

雅衰敝。文章榛蕪。昌黎廬陵之絕業。既已不振於區  
內。而金陵景物麗都。人士亦多風華少質。實求其敦  
崇古學。以上接漢宋風規者。滿園太初兩先生。後遂  
難嗣響。而足下巍然振起。不為俗學所奪。不為風氣  
所移。固僕所旦夕欲見其人。與其所為文者。苟非足  
下之虛懷下教。僕年且髦矣。亦何由及見。高文興一  
日得見。足下之為人哉。今既當吾世。見其文。以庶幾  
見其人矣。又豈徒以一見為幸已哉。則將有人焉。紹  
昌黎廬陵之絕業。以召來茲於千百世。惟足下是屬。

余澹心曰  
三段錯綜  
而出今人  
不能尋其  
段落之迹

惟足下是望望之深則其規之也當切而不一言以相規正又豈所以遇足下乎而足下又實無可規正也率其狂瞽以與足下相摩切惟足下勿速成也凡人之欲成一事以爲足以成之矣不敢驟以爲成也遲之又久而後成焉則其成也不可易視古人之成非一旦而止則吾之效古人亦不以一旦而盡循循焉取古人之精氣與吾之精氣相持於可久而後可有成而古人之自言其得與勇於自任者固不必襲其聲容也若夫所與之人不可不嚴爲擇別言之



羅星子曰  
議論中夾  
帶叙事子  
長法也

非人毋論其言。既失而並使氣。不光偉。非文章之小疵也。如某者與艾東鄉爲同里。時東鄉與雲間以文事相齟齬。謀攻東鄉者。欲以其鄉之人攻之。謀之曾庭聞。曾怒拒之。遂及某。某卽出而與東鄉辯。非論東鄉學業有本。非某所能訾議。而甘心人役。忍操同室之戈。其心術已不可問。又何足與之謀乎。秋大業哉。此不可不慎。絕其人也。足下深於理學。理學爲文章之根幹。僕豈敢有異論。獨宜稍自矜慎。恐溺於章句。漸流爲宋人語錄。亦使文章不振。足下視紫陽伊川。

之書何如龍門扶風哉。况理學自在天壤彰明較著。卽辨晰秋毫亦宜以光偉雋之筆起之。然後不敝。今古吾願與足下由唐宋以進。窺秦漢之堂奧而已。凡此數者皆所以爲足下規。固非有加於足下也。由足下之意而推廣之耳。文選僕三十年來妄爲裒輯者。出以示人人。多棄其所學而從事於此。幸足下正之。何時樽酒一細論乎。

與吳冠五

金秀才式祖評侯朝宗之文曰。已自成家。惜得名差。



蚤未暇鍊句耳。計孝廉東評朝宗文如以石激水。便成波折。差乏風水相遭之趣。申隱君涵光曰。朝宗才氣雄冠一時。然事鮮情實行之未久而好者已倦矣。汪主政琬曰。壯悔堂集中書策誌銘極多奇構。寧南一書尤酷擬史遷。可推近時作者。然寧南事皆失實。左誣魏蕨。殆所不免。無徵不信。其謂是歟。杜徵君濬曰。朝宗後出才俊。而根柢不堅。火色未老。尤好作妄語以行。已意此最是。文章大病。予按朝宗初學駢麗之文。壯而悔之一。規于大家。其文卓然足自傳矣。惟

王望如曰  
使人憬然

與阮光祿田百源諸書及馬伶諸傳記毒詈匪類妙  
極形容未嘗不痛快人心而惟憾發于羣奸既死之  
後遂不免于杜撰失實致開紛紛之口嗟夫士君子  
操觚所譏諷者既非吾之族類論既正又足以痛快  
人心似不當刻論之矣而事稍失實卽甚惡其人甚  
愛于我者猶因其文以疑其餘起而訾議之若此彼  
以鄙俚之詞造無影之議以致謗諸正人者又當何  
如哉可以知所戒矣

與同事



羅綱曰令  
人無處可  
遊

高雲客曰  
兩用事止  
見趣絕

宋嘉祐中未有謁禁士人多馳驚請託有一人號爲  
望火馬又一人號爲日遊神言日事奔競也嗚呼今  
且以日遊神兼騎望火馬矣柰之何

### 與康生

桓豁鸚鵡能入甕中作顰鼻人語此君之文殆如甕  
中顰鼻人語不止似疲牛拽重車也

### 答何省齋

米價日騰弟在難食指又甚繁卽令得大軫國紫米  
炊一升得飯一斗亦苦不足卽使天能雨粟亦必如

新陽集 卷之十四  
吳桓王時雨五穀于貧民家富者則不雨而後可若  
使槩雨則予依然日窺米甕矣公尚苦饑予將奈何

### 與黃黃鶴

黃鶴樓以仙人搯橘皮成鶴起舞而名黃鶴峰以峰  
下多松花鶴背俱黃而名先生是橘皮成耶抑松花  
撲耶二者居一總太清空但恐空餓殺欲上鶴背先  
生耳

### 與倪闇公

李君實曰書家得一好筆如壯士拾一寶刀得二寶



墨如統軍者。受千艘之餉。得數行古蹟。如行師佩佐。  
女兵符。今贈君。自製筆一床。小華墨一挺。憾無古蹟。  
可贈耳。君當含毫吮墨。自作數行古蹟。贈我。

與宋轅文學憲

敬上公江瑤柱二十枚。瑤柱出興化之涵江。雙甲薄。  
而脆。界畫如瓦楞。向日映之。絲絲綠玉。晃人眸子。而。  
嫩朗。又過之。文彩燦燦。不忝瑤名。余驟見之。語人曰。  
卽此膚理。便足鞭撻海族。不必問其中所有矣。食宜。  
去其肉。美只雙柱。所謂柱。亦如蛤中之有丁。蛤小則。

字以丁。此巨。因美以柱也。味亦與蛤中丁不小異。蛤之美實亦在丁。人以其無多。故不甚咀嚼。獨讓江瑤。擅此嘉名耳。莆人多以醬粉雜治之。又不知獨存柱安足令不事口腹。人見之。朵頤耶。余熟以江水參以玉版。宋去損諸君噉之。咸謂得未曾有也。會城初無此。謝在杭會城人。稱好事者。尚云從來未見其形。未識其味。他可知矣。余至後。令蜚人索之。梅花厂石間。間亦得之。十年以來。遂與香螺蠣房參錯市中矣。乃知海干原未乏此人。驚以爲必無。不復過而問之。蜚。



安靜子曰  
借一江瑤  
發出如許  
慷慨使無  
聊之士讀  
之泣數行  
下

康生曰妙  
誰自見長  
公後身

人。以。無。人。過。而。問。也。咸。棄。之。不。取。聞。聲。相。思。者。遂。真。  
以。爲。未。嘗。有。也。世。之。瑰。奇。異。質。人。驚。以。爲。必。無。不。復。  
過。而。問。之。淪。落。于。海。沙。江。泥。中。如。江。瑤。柱。者。不。知。凡。  
幾。矣。公。念。之。哉。

與長樂同年郭蓮峰

公。以。瓜。荔。相。貽。皆。珂。里。上。品。最。中。予。嗜。但。予。更。有。請。  
焉。欲。求。荔。大。如。瓜。瓜。甜。于。荔。

與何省齋

弟  
幼。時。見。傀。儡。戲。二。尺。許。長。線。索。纍。纍。任。人。提。弄。近。



則變爲數寸許以木板推之全似自用聰明者嗟夫  
傀儡亦且漸小何況于人傀儡亦不由人線索而欲  
自運聰明可畏亦可悲夫

周亮節

靖公河南祥符籍江西金谿人  
醉耕堂遺稿

與張文寺

公詩四章卽和如來數然秦武王與烏獲爭雄一舉  
鼎而絕脰矣

予弟與文  
寺伯紫諸  
公偶酬詩  
頗有自得  
之境惜以  
去秋謝世  
矣其遺稿  
于方料理  
并之讀此  
數卷

結集卷之十四終





